



პროფესიული განათლება
ეკონომიკის განვითარებისთვის
INDUSTRY-LED SKILLS AND
WORKFORCE DEVELOPMENT



ათასწლეულის გამოწვევის ფონდი - საქართველო

პროფესიული განათლება ეკონომიკის განვითარებისთვის

პროფესიული საგანმანათლებლო დაწესებულებების პრაქტიკის გაუმჯობესება

მოთხოვნა მცირე საგრანტო განაცხადის წარდგენაზე
მცირე გრანტების III რაუნდი
1 მარტი 2018

მომზადებულია:

PEM GmbH -ს მიერ

Aarhus TECH International
(Denmark) და ICON Institute
(Germany)

პარტნიორობით

მოთხოვნა განაცხადის წარდგენაზე (RFP)

კონკურსის No: MCA-GEORGIA-STPP-2018-04-11-03

ათასწლეულის გამოწვევის ფონდი - საქართველო

დაფინანსებულია ამერიკის შეერთებული შტატების მიერ

ათასწლეულის გამოწვევის კორპორაციის მხარდაჭერის
ფარგლებში

პროფესიული საგანმანათლებლო დაწესებულებების
პრაქტიკის გაუმჯობესება

1 მარტი 2018

სარჩევი

1	საგრანტო კონკურსის მიზანი	4
2	შესავალი.....	4
3	ზოგადი ინფორმაცია STPP მცირე საგრანტო პროგრამის შესახებ	5
3.1	STPP სამიზნე ჯგუფები.....	5
3.2	STPP მცირე საგრანტო პროგრამის მიზნები და პრიორიტეტები	5
3.3	STPP მცირე საგრანტო პროგრამის მიზნები და შედეგები	6
4	ბიუჯეტი და ფინანსური საკითხები	7
5	პროექტისთვის მისაღები საგრანტო განაცხადები	10
6	საგრანტო აპლიკაციასთან დაკავშირებული პროცესები.....	11
	საინფორმაციო, სასწავლო და სატრენინგო შეხვედრები	11
7	განაცხადების შეფასება.....	13
8	შეტყობინების პროცედურა, საგრანტო ხელშეკრულება და ხელმოწერა	15
9	გრაფიკი	16
10	გრანტის განხორციელების პირობები	16
	დანართი 1: მცირე გრანტების ხარჯებთან დაკავშირებული წესები.....	18

აბრევიაციები

CV	რეზიუმე
ISWD	პროფესიული განათლება ეკონომიკის განვითარებისთვის (პროექტი)
MCA-Georgia	ათასწლეულის გამოწვევის ფონდი - საქართველო
MCC	ათასწლეულის გამოწვევის კორპორაცია
MES	განათლებისა და მეცნიერების სამინისტრო
RFP	მოთხოვნა განაცხადის წარდგენაზე
STEM	საბუნებისმეტყველო, ტექნოლოგიური, საინჟინრო და მათემატიკური მეცნიერებები
STPP	პროფესიული საგანმანათლებლო დაწესებულებების პრაქტიკის გაუმჯობესება
TEP	ტექნიკური შეფასების კომისია
ToR	პირობების აღწერა
TVET	პროფესიული საგანმანათლებლო დაწესებულება

1 საგრანტო კონკურსის მიზანი

ათასწლეულის გამოწვევის ფონდი - საქართველო, „პროფესიული განათლება ეკონომიკის განვითარებისთვის“ (ISWD) პროექტის ფარგლებში, მცირე გრანტებით **(5,000 აშშ დოლარიდან 25,000 აშშ დოლარის ფარგლებში)** დააფინანსებს პროექტებს, რომელიც ხელს შეუწყობს პროფესიული საგანმანათლებლო დაწესებულებების პრაქტიკის გაუმჯობესებას.

აღნიშნული მოთხოვნა განაცხადზე (RFP) აღწერს მცირე გრანტების მიზნებს და ამოცანებს, ასევე იმ პირობებსა და მოთხოვნებს, რაც განმცხადებლებმა უნდა დააკმაყოფილონ.

უფლებამოსილ ორგანიზაციებს შეუძლიათ განაცხადი წარმოადგინონ პროექტის „პროფესიული განათლება ეკონომიკის განვითარებისთვის“ (ISWD) მისამართზე **ოთხშაბათს, 2018 წლის 11 აპრილისთვის.**

2 შესავალი

ამერიკის შეერთებულ შტატებსა და საქართველოს შორის გაფორმებული ათასწლეულის გამოწვევის II კომპაქტი მხარს უჭერს სტრატეგიული ინვესტიციის განხორციელებას ზოგადი განათლების, პროფესიული განათლების (TVET) და უმაღლესი განათლების სფეროებში. კომპაქტის ფარგლებში ძირითადი აქცენტები საბუნებისმეტყველო, საინჟინრო, ტექნოლოგიების, მათემატიკური (STEM) მეცნიერებებისა და უნარების განვითარებას დაეთმობა. საქართველოს მთავრობამ დააფუძნა სსიპ ათასწლეულის განვითარების ფონდი - საქართველო (MCA-Georgia), რომელიც კომპაქტის ზედამხედველობაზე, მენეჯმენტსა და განხორციელებაზეა პასუხისმგებელი.

„პროფესიული განათლება ეკონომიკის განვითარებისთვის“ (ISWD) 16 მილიონის აშშ დოლარის ღირებულების პროექტია, რომელიც კომპაქტის ფარგლებში ხორციელდება და რომლის მიზანია თანამედროვე შრომის ბაზრის მოთხოვნების შესაბამისი პროფესიული განათლების განვითარების ხელშეწყობა. აუცილებელია ტექნიკური და პროფესიული განათლების სფეროში ინვესტირება, რათა კვალიფიცირებულ მუშახელზე ინდუსტრიის მოთხოვნა დაკმაყოფილდეს იმ პოტენციური ბენეფიციარების მომზადებით, რომელთაც სხვა შემთხვევაში არ ექნებოდათ განათლების მიღების შესაძლებლობა.

პროექტი ოთხი ძირითადი კომპონენტისგან შედგება:

- საგრანტო კონკურსი პროფესიული საგანმანათლებლო დაწესებულებებისათვის;
- პროფესიული საგანმანათლებლო დაწესებულებების პრაქტიკის გაუმჯობესება (STPP);
- პროფესიული განათლების პოლიტიკის გაძლიერება;

- ყოველწლიური კონფერენციების ორგანიზება პროფესიული განათლების პოპულარიზაციის მიზნით.

აღნიშნული მოთხოვნა განაცხადის წარდგენაზე (RFP) მხოლოდ პროფესიული საგანმანათლებლო დაწესებულებების პრაქტიკის გაუმჯობესების მცირე საგრანტო კონკურსს ეხება და მიზნად ისახავს ფორმალური და არა-ფორმალური პროფესიული განათლების დაწესებულებების გაძლიერებას.

3 ზოგადი ინფორმაცია STPP მცირე საგრანტო პროგრამის შესახებ

3.1 STPP სამიზნე ჯგუფები

მცირე საგრანტო პროგრამაში მონაწილეობის მიღება შეუძლიათ პროფესიულ საგანმანათლებლო დაწესებულებებსა და სხვა ორგანიზაციებს, რომლებიც ჩართულნი არიან ფორმალურ ან არაფორმალურ განათლებაში ან სხვა პროფესიულ გადამზადებასთან დაკავშირებულ საქმიანობაში (დასაქმებული თუ უმუშევარი ახალგაზრდების გადამზადება), მათ შორის:

- საჯარო თუ კერძო პროფესიული საგანმანათლებლო დაწესებულებები;
- უნივერსიტეტები;
- სკოლები;
- კერძო კომპანიები;
- ბიზნეს ან სოციალური პარტნიორები;
- პროფესიული გაერთიანებები;
- არასამთავრობო ორგანიზაციები (NGO);
- სხვა იურიდიული დაწესებულება, რომელიც ჩართულია ან აპირებს საქმიანობას პროფესიულ საგანმანათლებლო სფეროში საქართველოში.

3.2 STPP მცირე საგრანტო პროგრამის მიზნები და პრიორიტეტები

STPP მცირე საგრანტო პროგრამით დაფინანსდება პროექტები, რასაც შედეგად მოყვება პროფესიული განათლების სექტორში საუკეთესო პრაქტიკების გამოვლენა, განვითარება, დოკუმენტირება და პოპულარიზება, საქართველოს გამოცდილების საერთაშორისო პრაქტიკებთან გათანაწილების მიზნით.

მცირე გრანტით არ დაფინანსდება მხოლოდ დოკუმენტების თუ ანგარიშების მომზადება.

დაფინანსებული პროექტით შეიძლება მოხდეს უკვე არსებული პროფესიული საქმიანობის გაძლიერება ან ახალი, ინოვაციური მაგალითების შემოტანა და დანერგვა ან სხვაგან არსებული პროფესიული პრაქტიკის ადაპტირება. მიუხედავად იმისა, თუ რომელი წყაროდან ან რომელი სფეროებიდან არის აღებული საუკეთესო

პრაქტიკის მაგალითები, მათ განხორციელებას მნიშვნელოვანი სარგებელი უნდა მოჰქონდეს პროფესიული განათლებისათვის.

მცირე საგრანტო კონკურსის მესამე რაუნდისთვის, უპირატესობა მიენიჭებათ ისეთ განაცხადებს, რომლებიც მოიცავენ **რამდენიმე პარტნიორს**, გვთავაზობს პროექტის გავცელებას **ფართოთ, სისტემურ დონეზე** და გულისხმობს **აქტივობებს, რომლებიც ყურადღებას ამახვილებს შემდეგზე**:

- ინოვაციური სტრატეგიებისა და მიდგომების ჩამოყალიბება, **პროფესიული განათლების სექტორის პოპულარიზაციისა და მიმზიდველობის** გაზრდის მიზნით, სხვადასხვა საკომუნიკაციო საშუალებების შექმნით;
- **ახალი სასწავლო მასალებისა და ინოვაციური სასწავლო გარემოს** შექმნა და ეფექტური გამოყენება, რომელიც გააუმჯობესებს სწავლების მიწოდების ხარისხს, განსაკუთრებით საბუნებისმეტყველო, საინჟინრო და ტექნოლოგიური მიმართულებით და ასევე, მეწარმეობის სწავლებას;
- ისეთი სასწავლო პრაქტიკებისა და ზომების განხორციელება, მათ შორის კარიერული დაგეგმვა, რომელიც ხელს შეუწყობს **მიზნობრივი ჯგუფის დაინტერესებას პროფესიული განათლებით**, მათ შორის გოგოების და რეგიონებიდან სოციალურად მოწყვლადი ჯგუფების ჩართულობის გაზრდას;
- **დარგობრივი საბჭოების გაძლიერებისთვის ახალი მოდელებისა და ინიციატივების** ჩამოყალიბება, რომელიც უზრუნველყოფს ინდუსტრიის გაზრდილ და მჭიდრო ჩართულობას, პროფესიული ასოციაციების გზით და საგანმანათლებლო დაწესებულებებისა და კერძო სექტორის ეფექტური პარტნიორობის განვითარებას.
- მოქნილი სასწავლო კურსების დაგეგმვა და განხორციელება, რომელიც გაზრდის **ზრდასრულთათვის ხელმისაწვდომობას სასწავლო პროგრამებზე და უპასუხებს მათ საჭიროებებს**, მათ შორის სამუშაოზე-დაფუძნებული სწავლების დანერგვა, როგორც ფორმალური, ასევე არაფორმალური განათლების კონტექსტში.

3.3 STPP მცირე საგრანტო პროგრამის მიზნები და შედეგები

მცირე საგრანტო კონკურსის ფარგლებში მონაწილე პროექტებმა მიზნად უნდა დაისახონ შემდეგი:

- პროფესიულ საგანმანათლებლო დაწესებულებებსა და კერძო სექტორს შორის თანამშრომლობის გაძლიერება;
- გენდერული და სოციალური ჩართულობის გაუმჯობესება;
- პროფესიული პროგრამების ხარისხის და მიწოდების გაუმჯობესება;
- ინსტიტუციონალური და ადამიანური შესაძლებლობების გაზრდა;
- პროექტის შედეგების ხანგრძლივობის მდგრადობა.

ყველაზე მნიშვნელოვანია, რომ მცირე გრანტის განაცხადები მიმართული იყოს პროფესიული განათლების სისტემის მნიშვნელოვან საჭიროებებზე და არა მხოლოდ იმ საკითხებზე, რომლებიც მხოლოდ განმცხადებელ ორგანიზაციას ეხება.

დაფინანსებული საუკეთესო პრაქტიკის მაგალითები უნდა იყოს ადვილად გამეორებადი და აპლიკაციებში აღწერილი უნდა იყოს მათი გავრცელებისა და გამეორებასთან დაკავშირებული გზები.

ასევე, ძალიან მნიშვნელოვანია პროექტის შედეგების ხანგრძლივობის მდგრადობის უზრუნველყოფა. თითოეული განაცხადი უნდა მოიცავდეს მდგრადობის გეგმას, რომელშიც შედის კონკრეტული გეგმები საუკეთესო პრაქტიკის (პრაქტიკების) შედეგების გავრცელების და გამეორების შესახებ.

მცირე გრანტების პროგრამით დაფინანსებული პროექტების განხორციელებით, შემდეგი შედეგები უნდა იყოს მიღწეული:

- საუკეთესო პრაქტიკების მაგალითების განვითარება ან გაუმჯობესება;
- საერთაშორისო მაგალითებზე დაყრდნობით, ორგანიზაციული შესაძლებლობების გაძლიერება საუკეთესო პრაქტიკების დანერგვისა ან გაუმჯობესების მიმართულებით;
- დანერგილი ან გაუმჯობესებული საუკეთესო პრაქტიკის დოკუმენტირება;
- დანერგილი/გაუმჯობესებული საუკეთესო პრაქტიკის გავრცელება;
- პროფესიული განათლების სფეროს უპირატესობების პოპულარიზება;
- საერთაშორისო ან საქართველოს სხვა პროფესიული განათლების პროვაიდერების მიერ დანერგილი საუკეთესო პრაქტიკის გადმოღება.

მცირე გრანტის პროექტების მიერ მიღწეული მოსალოდნელი შედეგები ნათლად უნდა იყოს აღწერილი საგრანტო განაცხადში და მათი სრულად მიღწევა მოთხოვნილი იქნება კონტრაქტის ვადის პერიოდში.

პროექტის განხორციელების პერიოდში ჩატარებული მონიტორინგის გარდა, ასევე ჩატარდება მიღებული შედეგების შეფასება პროექტის დასრულების შემდეგ, რათა შეფასებული იქნას პროექტის სარგებელი და სხვა ორგანიზაციების მიერ მიღწეული შედეგების გამეორების მასშტაბები.

4 ბიუჯეტი და ფინანსური საკითხები

ამჟამად, იმართება პროფესიული საგანმანათლებლო დაწესებულებების პრაქტიკის გაუმჯობესების მცირე საგრანტო კონკურსის მესამე და ბოლო რაუნდი. გაცემული გრანტების ფაქტობრივი რაოდენობა დამოკიდებული იქნება მიღებული განაცხადების ხარისხსა და საერთო ბიუჯეტზე.

მესამე რაუნდში გასაცემი გრანტების ხანგრძლივობა და რაოდენობა:

STPP მესამე რაუნდის საგრანტო პროექტის მინიმალური ხანგრძლივობა არის 6 თვე, ხოლო მაქსიმალური 7 თვე.

გასაცემი გრანტის მინიმალური თანხა არის 5,000 აშშ დოლარი.

მაქსიმალური თანხა არის 25,000 აშშ დოლარი.

გრანტის თანხის ოდენობა განისაზღვრება, იმის მიხედვით თუ რამდენად აკმაყოფილებს პროექტი ქვემოთ მოყვანილ პირობებს, რაც მკაცრად შემოწმდება:

- პროექტები, რომლებიც იყენებენ საერთაშორისო ექსპერტიზას ტექნიკური მხარდაჭერის მისაღებად.
- პროექტები, რომლებსაც სისტემურ დონეზე დიდი ზეგავლენის მოხდენის პოტენციალი გააჩნიათ.
- რთული პროექტები, რომლებშიც ჩართული იქნება პარტნიორების მნიშვნელოვნად დიდი რაოდენობა და/ან პროექტის აქტივობები, რომლებიც ორგანიზებული იქნება სხვადასხვა გეოგრაფიულ ტერიტორიებზე ქვეყნის შიგნით და საჭიროებს დიდი რაოდენობით მგზავრობას და/ან ღამისთევას.
- პროექტები, რომლებიც საჭიროებენ რთული ელექტრონული და ვიზუალური აპლიკაციების დამზადებას და/ან დიდი რაოდენობით მაღალი ხარისხის ბეჭდვას ან გამოქვეყნებას და/ან მაღალი დონის კონფერენციების ან საჯარო ღონისძიებების მოწყობას.
- პროექტები, სადაც გამოვლენილია პარტნიორების მხრიდან მნიშვნელოვანი თანადაფინანსება (ფინანსური ან არა-ფინანსური).

შენიშვნა:

ადგილობრივ დაქირავებულ თანამშრომელზე გადახდილი ანაზღაურება შესაბამისობაში უნდა იყოს ორგანიზაციის თანამშრომლების ანაზღაურებასთან ან საქართველოში მსგავსი ორგანიზაციის თანამშრომლების ანაზღაურებასთან. ქართველი მონაწილეების სამოგზაურო და სამივლინებო (საკვები) ხარჯები არ უნდა აღემატებოდეს საქართველოს მთავრობის მიერ დადგენილ რეგულაციებს.

საერთაშორისო ექსპერტების ანაზღაურება არ უნდა აღემატებოდეს საქართველოში განხორციელებული პროფესიული განათლების პროექტებში დაქირავებული საერთაშორისო ექსპერტების ანაზღაურებას. საერთაშორისო მგზავრობა დაფინანსდება მხოლოდ ეკონომ-კლასში და სამივლინებო ხარჯები არ უნდა აღემატებოდეს ამერიკის მთავრობის მიერ საქართველოსთვის დადგენილ ნორმებს.

თანამონაწილეობის სახით წარმოდგენილი კონტრიბუცია მისასალმებელია, თუმცა განმცხადებელს არ მოეთხოვება თანადაფინანსების გაღება, აღნიშნული მცირე გრანტების ფარგლებში.

გრანტი ფიქსირებული ფასის საფუძველზე გაიცემა. ხელშეკრულების მოწერამდე გაწეული ხარჯის ან შეძენილი ნივთების ანაზღაურება არ მოხდება, ამიტომ ყველა ხარჯი, რაც შესაძლოა პროექტის შესრულებისას გამოვლინდეს, საგრანტო განაცხადის ბიუჯეტში უნდა იყოს თავიდანვე შეტანილი.

გადახდა სამ ეტაპად განხორციელდება, კონკრეტული შედეგების (ანგარიშების) წარმოდგენის საფუძველზე:

- **საწყისი ანგარიში**, შესრულების დეტალურ გეგმასთან ერთად წარმოდგენილი უნდა იყოს პროექტის დაწყებიდან 10 სამუშაო დღის განმავლობაში - დამტკიცებული საერთო საგრანტო თანხის 20%.
- **შუალედური ანგარიში**, წარმოდგენილი უნდა იყოს პროექტის შესრულების შუა ეტაპზე - დამტკიცებული საერთო საგრანტო თანხის 40%.
- **საბოლოო ანგარიში**, შედეგების სრული ანგარიში წარმოდგენილი უნდა იყოს პროექტის დასრულებისას, კონტრაქტის ვადის გასვლამდე 10 სამუშაო დღით ადრე - დამტკიცებული საერთო საგრანტო თანხის რაოდენობის 40%.

მისაღები ხარჯები აღწერილი უნდა იყოს პროექტის ბიუჯეტში. ხარჯები უნდა იყოს გონივრული და აუცილებელი პროექტის შესრულებისთვის, გაწეული პროექტის საგრანტო პერიოდში და პირდაპირ უნდა უკავშირდებოდეს პროექტის მიზნებსა და შედეგების მიღწევას.

მცირე საგრანტო პროგრამების ფინანსები არ შეიძლება გამოყენებული იყოს შემდეგი მიზნებისთვის:

- დანადგარების და ავეჯის შეძენა;
- ზოგადი თუ კონკრეტული ინფრასტრუქტურული სამუშაოები;
- სასწავლო გრანტები და სტიპენდიები;
- ხელფასები, რომლებიც პირდაპირ არ უკავშირდება პროექტის შესრულებას;
- საოპერაციო (ზედნადები) და ორგანიზაციის სხვა ხარჯები (ოფისის იჯარა, გათბობა, ელ-ენერგია და სხვა);
- ნებისმიერი სხვა საქმიანობის ხარჯი ან შესყიდვა, რომლებიც მიუღებელი იქნება MCC-სა და საქართველოს მთავრობას შორის გაფორმებული კომპაქტის ხელშეკრულებით¹.

MCC / MCA-საქართველოს მოთხოვნები მისაღებ თუ მიუღებელ ხარჯებთან დაკავშირებით გათვალისწინებული უნდა იქნეს პროექტის ბიუჯეტის მომზადებისას.

საბოლოო გრანტის მინიჭებამდე და კონტრაქტის ხელმოწერამდე, შესაძლოა პროექტის ბიუჯეტმა გარკვეული შესწორება მოითხოვოს, ამიტომ განმცხადებლის ინტერესებში შედის, რომ მან რეალისტური და ხარჯთ-ეფექტური ბიუჯეტი წარმოადგინოს.

¹ იხილეთ პუნქტი 2.7 at <http://www.mcc.gov/documents/agreements/compact-georgia-ii.pdf>

5 პროექტისთვის მისაღები საგრანტო განაცხადები

საგრანტო წინადადება უნდა ითვალისწინებდეს 3.2 და 3.3 სექციებში მოყვანილ მოთხოვნებს. ერთ საგრანტო განაცხადში რამდენიმე საუკეთესო პრაქტიკის მაგალითი შეიძლება იყოს გამოვლენილი და დანერგილი.

ყველა პროექტი უნდა განხორციელდეს საქართველოში. მცირე გრანტების მაქსიმალური ხანგრძლივობა 7 თვეს შეადგენს.

მიღწეული შედეგები მდგრადი უნდა იყოს კომპაქტის დასრულების შემდეგ, ამიტომ პროექტის გრძელვადიანი მდგრადობა მთავარი კრიტერიუმი იქნება პროექტის შეფასების დროს.

საგრანტო წინადადებამ უნდა აღწეროს საუკეთესო პრაქტიკის მაგალითების გავრცელებასა და დანერგვასთან დაკავშირებული აქტივობები.

მცირე გრანტების განმცხადებლებისთვის:

- შესაძლებელია მხოლოდ ერთი განაცხადის შემოტანა ყოველჯერზე გამოცხადებულ კონკურსში;
- უშუალოდ პასუხისმგებლები არიან პროექტის მომზადებაზე, მართვასა და განხორციელებაზე;
- უნდა იყვნენ დაფუძნებული და დარეგისტრირებული იურიდიულ პირად (მომგებიანი ან არამომგებიანი) ან ინდ.მეწარმეებად, ქართული კანონმდებლობის შესაბამისად, არანაკლებ ერთი წლისა;
- შეუძლიათ განაცხადის შემოტანა თავიანთი სახელით ან სხვა რომელიმე დამსაქმებელთან პარტნიორობით (აღნიშნული მცირე საგრანტო პროგრამით სავალდებულო არ არის პარტნიორობის ყოლა, თუმცა თუ განაცხადში პარტნიორი წარმოდგენილი იქნება, მაშინ ორივე მხარის როლი და პასუხისმგებლობები ნათლად უნდა იყოს განსაზღვრული და დასაბუთებული). კონტრიბუციის სახით პარტნიორობის მხრიდან თანადაფინანსება მისასლმებელია, თუმცა სავალდებულო არ არის;
- შეუძლიათ ქვეკონტრაქტორების ჩართვა გარკვეული სამუშაოების შესრულების მიზნით, მაგალითად ვებ-გვერდის დამზადება, ბეჭდვის და საკანცელარიო სერვისის უზრუნველყოფა, საკონსულტაციო ორგანიზაციის დაქირავება. ქვეკონტრაქტორები არ წარმოადგენენ ბენეფიციარებს და არც პარტნიორებს, შესაბამისად მათი მომსახურების შემენა MCA-საქართველოს შესყიდვების წესების დაცვით უნდა განხორციელდეს².
- ევალებათ, რომ უზრუნველყონ შესყიდვებთან და ფინანსურ საკითხებთან დაკავშირებით MCA-საქართველოს შესაბამისი წესების დაცვა, როგორც პროექტის განაცხადში, ასევე პროექტის განხორციელების დროს³.

² <https://www.mcc.gov/resources/doc/program-procurement-guidelines>

³ <https://www.mcc.gov/resources/doc/program-procurement-guidelines>

ჩამოთვლილ ორგანიზაციებს/პიროვნებებს არ შეუძლიათ მცირე საგრანტო კონკურსში მონაწილეობის მიღება:

- პოლიტიკურ პარტიებს, ჯგუფებს და ინსტიტუტებს, ან მათ ფილიალებს და შვილობილ კომპანიებს;
- ორგანიზაციებს, რომლებიც მხარს უჭერენ და ხელს უწყობენ ანტიდემოკრატიულ პოლიტიკას ან ეწევიან უკანონო საქმიანობებს;
- ნებისმიერი პირი ან იურიდიული ორგანიზაცია, რომელიც მსოფლიო ბანკის მიერ შესყიდვების კუთხით შავ სიაშია შეყვანილი, ან აშშ-ს ფედერალური მთავრობის მიერ შეჩერებული აქვს შესყიდვების უფლებამოსილება, აშშ-ს მოქმედი, მათ შორის ანტიტერორისტული კანონის ძალით. აკრძალული აქვს შესყიდვების ჩატარების უფლება;
- MCA-საქართველოსა და PEM GmbH საბჭოს წევრებს, მათ თანამშრომლებს და ასევე მათი ოჯახის წევრებს.

მცირე საგრანტო პროგრამით არ დაფინანსდება საუკეთესო პრაქტიკის საქმიანობები, რომლებიც დაკავშირებულია და უკვე დაფინანსებულია მსხვილი საგრანტო კონკურსის „საგრანტო პროგრამა პროფესიული საგანმანათლებლო დაწესებულებებისთვის“ (PICG) პროგრამის ფარგლებში. განმცხადებლებს, რომლებსაც PICG პროექტის ფარგლებში უკვე აქვს მინიჭებული გრანტი, შეუძლიათ წარმოადგინონ მცირე საგრანტო პროექტის განაცხადი იმ შემთხვევაში, თუ პროექტი განსხვავებულია და წარმოდგენილი საქმიანობები არ უკავშირდება PICG პროექტში უკვე დაფინანსებულ საქმიანობას.

6 საგრანტო აპლიკაციასთან დაკავშირებული პროცესები

საინფორმაციო, სასწავლო და სატრენინგო შეხვედრები

მცირე საგრანტო პროგრამის დაწყებისთვის:

- დახმარების მიღება შესაძლებელი იქნება ISWD პროექტის ოფისში, განაცხადის პროცესთან დაკავშირებით დამატებითი ინფორმაციის მისაღებად;
- ერთდღიანი საინფორმაციო შეხვედრა გაიმართება თბილისში (მოთხოვნის შესაბამისად) და შეიძლება დამატებით კიდევ ორ ლოკაციაზე, რათა დეტალური ინფორმაცია მიეწოდოს ყველა დაინტერესებულ პირს.

საინფორმაციო შეხვედრებზე დასწრება თავისუფალი იქნება. საინფორმაციო შეხვედრებთან დაკავშირებული საკითხების გაცნობა ყველა დაინტერესებულ მხარეს პროექტის ვებ-გვერდის საშუალებით შეეძლება: www.iswd.ge.

მოთხოვნები განმარტებებისათვის

პოტენციურ აპლიკანტებს შეუძლიათ კითხვები განმარტებებისთვის გამოაგზავნონ აპლიკაციის ჩაბარების ვადამდე არაუგვიანეს 10 სამუშაო დღით ადრე ელ-

მისამართზე: iswd@pem-consult.de და მიუთითონ აღნიშნული საგრანტო კონკურსის ნომერი: **MCA-GEORGIA-STPP-2018-04-11-03**.

ISWD პროექტის გუნდი უპასუხებს კითხვებს და მიაწვდის განმარტებებს პროექტის საბოლოო ჩაბარების ვადამდე არაუგვიანეს 5 სამუშაო დღით ადრე. ყველა კითხვა და პასუხი (აპლიკანტის სახელისა და ორგანიზაციის კონფიდენციალურობის დაცვით) გამოქვეყნდება ვებ-საიტზე: www.iswd.ge.

განაცხადის ჩაბარება

აღნიშნული საგრანტო კონკურსის სააპლიკაციო პროცესი ერთ ეტაპიანია.

განაცხადის შევსება უნდა მოხდეს სტანდარტული სააპლიკაციო ფორმის მეშვეობით და წარმოდგენილი უნდა იყოს დალუქული კონვერტით, ისე როგორც ქვემოთ არის განმარტებული.

აპლიკანტებმა უნდა წარმოადგინონ ინგლისური და ქართულად ნათარგმნი განაცხადები. ვერსიების შორის უზუსტობის აღმოჩენის შემთხვევაში, უპირატესობა ინგლისურ ვერსიას მიენიჭება.

განაცხადი უნდა ჩაბარდეს ამობეჭდილი სახით (ერთი ორიგინალი და ხელმოწერილი ინგლისური ვერსია, დამატებით სამი ინგლისური ვერსიის ასლი და ერთი ქართულად თარგმნილი ვერსია). აპლიკაციის ფორმა ასევე წარმოდგენილი უნდა იყოს ელექტრონულ ფორმატში (CD-ROM, DVD ან USB). განაცხადი უნდა იყოს შევსებული **Word-ის ფორმატში** (ფონტი - Times New Roman, ზომა - 11). ელექტრონული ფორმა ზუსტად უნდა შეესაბამებოდეს ამობეჭდილი ფორმატით წარმოდგენილ განაცხადს. აპლიკაცია, დეკლარაცია და ჩეკლისტი ცალკე ფაილების სახით უნდა იყოს წარმოდგენილი. ხელით ნაწერი ან არასრული აპლიკაცია არ მიიღება.

აპლიკაციები დალუქული სახით უნდა ჩაგვაბაროთ პირადად, დაზღვეული წერილით ან კურიერის მეშვეობით, ქვემოთ მითითებულ მისამართზე:

Grant Management Officer, STPP, ISWD Office

27 Alexander Griboedov Street, 0108 Tbilisi

Programme Improvement Competitive Grants

Request for Proposals № MCA-GEORGIA-STPP -2018-04-11-03

Full name of the applicant:

Full address of the applicant: "Not to be opened before the opening session" and "არ გაიხსნას პროექტების განხილვამდე"

სხვა მისამართზე გაგზავნილი ან სხვა ფორმით მიღებული განაცხადები (მაგ. ფაქსით ან ელ-ფოსტით) განსახილველად აღარ მიიღება. განაცხადი, რომელიც საბოლოო ვადის გასვლის შემდეგ არის მიღებული, აღარ განიხილება, მიუხედავად იმისა, რომ დაგვიანება შეიძლება გამოწვეული იყოს საფოსტო გადამზიდი ორგანიზაციის გამო.

განაცხადის შემომტანს მიეცემა ხელმოწერილი და დათარიღებული ქვითარი.

აპლიკაციის მიღების ბოლო ვადაა ოთხშაბათი, 11 აპრილი, 2018. ადგილობრივი

დროით 18:00 სთ.

განაცხადის ჩაბარება გულისხმობს, რომ აპლიკანტი ეთანხმება საგრანტო კონკურსის პირობებს, რომელიც მოცემულია „მოთხოვნა განაცხადის მოწოდებაზე“ (RFP) დოკუმენტში.

7 განაცხადების შეფასება

ტაპი 1: განაცხადების გახსნა და ადმინისტრაციული შემოწმება

განაცხადების გახსნის შემდეგ, ISWD-ის პროექტის წარმომადგენლები შეამოწმებენ წარმოდგენილი განაცხადების შესაბამისობას, ფორმაში თანდართული კითხვარის (ჩექლისტის) მიხედვით. იმ შემთხვევაში, თუ მოწოდებული ინფორმაცია არასრულყოფილი ან არასწორია, განაცხადი **შეიძლება** დაწუნებული იქნას.

ადმინისტრაციული შემოწმების შემდეგ, ISWD-ის პროექტის გუნდი ელ-შეტყობინებას⁴ გაუგზავნის ყველა განმცხადებელს და შეატყობინებს აკმაყოფილებს თუ არა მათი განაცხადი დაშვების კრიტერიუმებს, ასევე აცნობებს მათ განაცხადის კოდს, რომელიც უნდა გამოიყენონ მომავალი კორესპონდენციის დროს.

ზოგადი სტატისტიკური ინფორმაცია, რომელიც ეხება შემოსული წინადადებების რაოდენობას გამოქვეყნდება ISWD პროექტის ვებ-გვერდზე. გამარჯვებული საგრანტო განაცხადების სია გამოქვეყნდება, მას შემდეგ რაც დასრულდება შერჩევის პროცესი და კონტრაქტები გაფორმდება.

ეტაპი 2: წინადადებების შეფასება

დამოუკიდებელი ტექნიკური შეფასების კომისია (TEP), ქვემოთ წარმოდგენილი შეფასების კრიტერიუმების მიხედვით, შეაფასებს წინადადებების ხარისხს, მათ შორის შემოთავაზებულ ბიუჯეტს და განმცხადებლისა და მისი პარტნიორების შესაძლებლობებს:

შეფასების კატეგორია	მაქსიმალური ქულა
<ul style="list-style-type: none"> შესაბამისობა მცირე საგრანტო პროგრამის ძირითად პრინციპებთან და მიზნებთან: პასუხობს თუ არა განაცხადი საგრანტო პროგრამის ამოცანებს და რამდენად კარგად არის გათვალისწინებული ის საუკეთესო პრაქტიკის პრინციპები, რომლებიც მოყვანილია RfP-ის მე-3 თავში? 	15
<p>შინაარსი და შესაბამისობა:</p> <ul style="list-style-type: none"> რამდენად ითვალისწინებს განაცხადი STPP მესამე რაუნდის ერთ ან რამდენიმე პრიორიტეტს? რა მტკიცებულება არსებობს იმისა, რომ განაცხადი პასუხობს პროფესიული განათლების სისტემის ან მისი კლიენტებისა და მომხმარებლების მოთხოვნებს, მათ შორის კერძო სექტორის ინტერესებს? 	30

⁴ გთხოვთ, გაითვალისწინოთ რომ ელ. შეტყობინების გაგზავნის დრო განისაზღვრება იმის მიხედვით თუ რა რაოდენობის განაცხადები შემოვა და რა დრო დასჭირდება ადმინისტრაციულ შემოწმებას

შეფასების კატეგორია	მაქსიმალური ქულა
<ul style="list-style-type: none"> რამდენად სწორად და ნათლად არის დასახული წინადადებაში ახალი და ინოვაციური საუკეთესო პრაქტიკის დანერგვა ან უკვე არსებული გამოცდილების გაძლიერება? მიიღებენ თუ არა პროფესიული განათლების სტუდენტები სარგებელს, აღნიშნული საუკეთესო პრაქტიკის პროექტის განხორციელებით? რამდენად კარგად პასუხობს შემოთავაზებული პროექტი ქალების, უმცირესობებისა და სოციალურად დაუცველი ჯგუფების მოთხოვნებს? 	
<p>პროექტის მენეჯმენტი და შესრულების შესაძლებლობები:</p> <ul style="list-style-type: none"> რამდენად კარგად არის წარმოდგენილი განაცხადში განმცხადებლის შესაძლებლობები, რათა მან წარმატებით შეძლოს პროექტის მართვა (ადჟურვილობა, ადმინისტრაციული და ადამიანური რესურსები, თანამშრომლები)? რამდენად კარგად აცნობიერებს განმცხადებელი პროექტის პოტენციურ რისკებს და არის თუ არა საკმარისი მტკიცებულება იმისა, რომ რისკების მართვა სწორად მოხდება? რამდენად რეალურია მოსალოდნელი შედეგების მიღწევა შემოთავაზებული განხორციელების მეთოდებით და აქტივობებით? რამდენად რეალურია და გონივრული შემოთავაზებული გრაფიკი და წარმოდგენილი რესურსები? 	20
<p>ზემოქმედება და მდგრადობა:</p> <ul style="list-style-type: none"> შეიძლება თუ არა საუკეთესო პრაქტიკის მაგალითები გავრცელებული და დანერგილი იყოს სხვა ორგანიზაციებში, მსგავს თუ სხვა კონტექსტში და რამდენადაა განაცხადში ისეთი წინადადებები, რომლებიც ღირს ფართოდ გავრცელებად? რამდენად საინტერესოა წარმოდგენილი სხვებისთვის, რათა პოტენციურად მოხდეს მისი გამეორება/გავრცელება? რამდენად კარგად პასუხობს განაცხადი სისტემურ ცვლილებებს? რამდენად მოსალოდნელია პროექტის ზეგავლენის გაგრძელება, საწყისი ეტაპის დასრულების შემდეგ? 	20
<p>ბიუჯეტი და ხარჯთ-ეგექტურობა:</p> <ul style="list-style-type: none"> რამდენად დამაკმაყოფილებელია თანაფარდობა სავარაუდო ხარჯებსა და მოსალოდნელ შედეგებს შორის? რამდენად აუცილებელია (და/ან საკმარისი) წარმოდგენილი ხარჯები პროექტის შესრულებისათვის? განაცხადები, 10,000 აშშ დოლარზე მეტი ოდენობის გრანტის შემთხვევაში, რამდენად აკმაყოფილებელ დამატებით პირობებს, მათ შორის თანადაფინანსების (თუ არსებობს) საკითხს? 	15
Total	100

Note: შენიშვნა: მინიმუმ 70 ქულაა საჭირო, რათა განაცხადი გრანტის მიღებისთვის იყოს განხილული. გრანტებით ყოველწლიურად დაფინანსდებიან უმაღლესი ქულების მქონე განაცხადები, ხელმისაწვდომი ფინანსური რესურსების გათვალისწინებით.

განაცხადის საწყისი შეფასების დასრულების შემდეგ, ISWD-ის მენეჯერმა შეიძლება მოითხოვოს შემდეგი საკითხების გადახედვა და შეთანხმება:

- შერჩეულ პროექტებში წარმოდგენილი აქტივობები; ან

- შერჩეულ პროექტებში შემოთავაზებული ბიუჯეტი.

აღნიშნული მოლაპარაკებების მიზანია, მიღწეულ იქნას ხარისხის გაუმჯობესება, შედეგების სიცოცხლისუნარიანობის გაძლიერება და/ან ხარჯთ-ეფექტურობის შესაბამისობაში მოყვანა RFP-ის მოთხოვნებთან.

თუ პროექტის შედეგებისა და ხარჯების დაბალანსება ვერ მოხერხდება, ამან შეიძლება გამოიწვიოს მოთხოვნებთან და/ან სტანდარტებთან შეუსაბამობა, რაც აპლიკაციის დაწუნების მიზეზი შეიძლება გახდეს.

იმ შემთხვევაში, თუ დამატებითი ინფორმაციის ან განმარტების გაკეთების საჭიროება დადგება, განმცხადებელი ვალდებულია რეაგირება მოახდინოს დაწესებულ ვადაში. ამ პირობის არშესრულების შემთხვევაში, განაცხადი საგრანტო პროგრამაში აღარ განიხილება.

8 შეტყობინების პროცედურა, საგრანტო ხელშეკრულება და ხელმოწერა

ტექნიკური შეფასების კომისიის (TEP) რეკომენდაციების გათვალისწინებით და დეტალური შემოწმების (საჭიროების შემთხვევაში) შედეგებზე დაყრდნობით, ISWD-ის პროექტის გუნდი MCA-საქართველოს წარუდგენს ანგარიშს და დასაფინანსებელი განაცხადების ჩამონათვალს.

შერჩევის პროცესის დასრულების შემდეგ, ISWD-ის გუნდი წარმატებულ განმცხადებლებს შეატყობინებს შედეგების შესახებ და დაიწყებს კონტრაქტის შესახებ მოლაპარაკებებს და მოამზადებს საგრანტო ხელშეკრულებებს.

კონტრაქტის ხელმოწერამდე განმცხადებლებს, რომელთა განაცხადები შერჩეული და წარმოდგენილი იქნება დასაფინანსებლად, მოეთხოვებათ წარმოადგინონ ოფიციალური დოკუმენტები, რომელიც დაადასტურებს მათ სტატუსს და უფლებამოსილებას მიიღონ მონაწილეობა საგრანტო პროგრამაში. ესენია:

- ამონაწერი, სამეწარმეო ან არასამეწარმეო (არა-მომგებიანი) იურიდიული პირების რეესტრიდან;
- ძირითადი თანამშრომლების კვალიფიკაციის და შესაბამისი გამოცდილების დეტალები, ინფორმაცია თანამშრომლების რაოდენობის შესახებ, მათ შორის კონკრეტული პროფესიული გამოცდილების მქონე პირები;
- დამადასტურებელი საბუთი იმისა, რომ აპლიკანტი მინიმუმ ერთი წელი მოღვაწეობს ადგილობრივ ან საერთაშორისო ბაზარზე, მათ შორის ბოლო ერთი წლის აუდიტორული ანგარიში;
- პროფესიულ საგანმანათლებლო სფეროსთან დაკავშირებული გამოცდილების დამადასტურებელი დოკუმენტები და შესრულებული კონტრაქტების ასლები;
- პარტნიორობის შემთხვევაში, იგივე დოკუმენტაციების წარმოდგენა პარტნიორისგანაც იქნება საჭირო.

ჩამოთვლილი დამატებითი დოკუმენტების ვერ წარმოდგენის შემთხვევაში, განაცხადი შეიძლება დაწუნებული იყოს.

საგრანტო ხელშეკრულების პაკეტი სამ ეგზემპლარად მომზადდება (ერთი MCA-საქართველოსთვის, მეორე PEM GmbH-სთვის და მესამე გრანტის ბენეფიციარისთვის). ორიგანალებს ხელს მოაწერს გრანტის ბენეფიციარი, PEM GmbH და გაიგზავნება MCA-საქართველოში ხელმოსაწერად.

დამოუკიდებელი შეფასების კომიტეტის შიდა განხილვების ჩანაწერები კონფიდენციალურია და საჯაროდ გამოქვეყნდება მხოლოდ ზოგადი ტიპის ინფორმაცია, როგორცაა გამარჯვებული ორგანიზაციის დასახელება, მათი პროექტების სახელწოდება და გაცემული გრანტების ოდენობა.

ინფორმაცია ინდივიდუალური შეფასებებისა და ქვლების შესახებ არ გავრცელდება.

9 გრაფიკი

შემდეგ გრაფიკზე წარმოდგენილია RFP-ის მესამე რაუნდზე შესასრულებელი აქტივობების ვადები:

აქტივობა	სავარაუდო დრო
საგრანტო პროგრამის დაწყების საჯარო გამოცხადება	1 მარტი, 2018
STPP საინფორმაციო სესია / ტრენინგი და სამუშაო შეხვედრა	5 მარტი - 1 აპრილი 2018
განაცხადების წარდგენის ბოლო ვადა	11 აპრილამდე, 2018
განაცხადების შეფასება	30 აპრილამდე, 2018
მოლაპარაკება განაცხადებში შესწორებების შეტანაზე	15 მაისამდე 2018
გრანტების მინიჭების გადაწყვეტილება	20 მაისამდე, 2018
საგრანტო ხელშეკრულებების მომზადება	25 მაისამდე, 2018
საგრანტო ხელშეკრულებების ხელმოწერა და პროექტის დაწყება	1 ივნისი, 2018
პროექტის საწყისი ანგარიშები და პირველი კონკრეტული შედეგები	21 ივნისამდე, 2018
პროექტის შუალედური ანგარიშები და მეორე კონკრეტული შედეგები	14 სექტემბრამდე, 2018
პროექტის ფინალური ანგარიშები და ფინალური კონკრეტული შედეგები	28 დეკემბრამდე, 2018

10 გრანტის განხორციელების პირობები

საგრანტო ხელშეკრულება

MCA-საქართველო არის მცირე საგრანტო პროგრამის დამკვეთი, ხოლო პროგრამის მართვაზე და ადმინისტრირებაზე PEM GmbH არის პასუხისმგებელი. გრანტის

მიმღები აპლიკანტები პროექტის „პროფესიული განათლება ეკონომიკის განვითარებისთვის“ უშუალო ბენეფიციარები არიან.

გრანტის ბენეფიციარებს, მათი შესაძლებლობების გაძლიერების მიზნით, ჩაუტარდება ტრენინგები, კონსულტაციები და მიეცემა სხვადასხვა რჩევები, რათა მათ პროექტთან დაკავშირებული კონკრეტული საქმიანობები განახორციელონ.

გრანტი ფიქსირებული ფასით იქნება წარმოდგენილი, რომლის გადახდა შედეგების (დელივერებელის) შესრულების პირობებზე იქნება დამოკიდებული, რომლებიც საგრანტო ხელშეკრულებაშია განსაზღვრული. თითოეული პროექტის განხორციელება მკაცრ მონიტორინგს და შეფასებას დაექვემდებარება PEM-სა და MCA-საქართველოს მხრიდან და გადახდა მიბმული იქნება კონკრეტული შედეგის ჩაბარებასთან. შედეგების ფორმა, რომლის შაბლონს PEM GmbH უზრუნველყოფს, შემდეგი სახის დოკუმენტებისგან იქნება შედგენილი:

- დეტალური სამუშაო გეგმა (გრანტის მიმღების მიერ მომზადებული წინასწარ მიწოდებული შაბლონის გამოყენებით) პროექტის დაწყებიდან 2 კვირის განმავლობაში, დაინტერესებულ მხარეთა ჩართულობის, კომუნიკაციისა და ხანგრძლივი მდგრადობის გეგმებთან ერთად;
- შუალედური ანგარიში (გრანტის მიმღების მიერ მომზადებული წინასწარ მიწოდებული შაბლონის გამოყენებით) პროექტის შესრულების შუა ეტაპზე;
- საბოლოო ანგარიში (გრანტის მიმღების მიერ მომზადებული წინასწარ მიწოდებული შაბლონის გამოყენებით) პროექტის დასრულებამდე 2 კვირით ადრე.

ცნობადობა და ბრენდინგი

პროექტის მაღალი ცნობადობა ძალიან მნიშვნელოვანია, რათა უზრუნველყოფილი იყოს პროექტის მიღწევების ეფექტური გავრცელება და საფუძველი ჩაეყაროს საუკეთესო პრაქტიკის მაგალითების გადაღებას. განმცხადებელმა უნდა წარმოადგინოს პროექტის გავრცელების გეგმა, დეტალურ სამუშაო გეგმასთან ერთად პროექტის დაწყებიდან 10 სამუშაო დღის ვადაში.

ბრენდინგის სახელმძღვანელო ყველა გრანტის ბენეფიციარისთვის ხელმისაწვდომი იქნება და სახელმძღვანელოში მითითებული წესები ზედმიწევნით უნდა იყოს დაცული. წესების შეუსრულებლობის შემთხვევაში, გაწეული ხარჯები შეიძლება არ იყოს ანაზღაურებული. ინფორმაციის გავრცელებამდე და გასაჯაროებამდე, ასევე თვალსაჩინო მასალების გამოქვეყნებამდე, ბენეფიციარებმა უნდა მოიპოვონ დასტური „პროფესიული განათლება ეკონომიკის განვითარებისთვის“ (ISWD) პროექტისგან, რათა აღნიშნული საქმიანობა MCA-საქართველოს მოთხოვნებს შეესაბამებოდეს.

სამუშაო შეხვედრები ჩატარდება თითოეული მცირე საგრანტო პერიოდის დასრულებისას, როგორც შეფასების პროცესის ნაწილი, სადაც ყველა გრანტის მიმღები წარმოადგენს თავიანთი პროექტების მიმდინარეობის დროს გამოვლენილ საუკეთესო პრაქტიკის მაგალითებს ფართო დისკუსიისთვის, სხვა გრანტიორებსა

და პროფესიული საგანმანათლებლო დაწესებულებების წარმომადგენლებთან ერთად.

დანართი 1: მცირე გრანტების ხარჯებთან დაკავშირებული წესები

სრული ინფორმაცია მისაღებ და არამისაღებ ხარჯებთან დაკავშირებით წარმოდგენილია დოკუმენტში „სახელმწიფო დაქვემდებარები ორგანიზაციებში ხარჯებთან დაკავშირებული წესები“, (რომელიც MCC კომპაქტში არის გათვალისწინებული) რომლის ჩამოტვირთვა შეგიძლიათ შემდეგი საიტებიდან:

<http://www.mcanamibia.org/files/files/PDFs/Grantee%20Orientation%20presentation%20May%202011/MCC%20COST%20PRINCIPLES-%20summarized.pdf>

წარმოდგენილ პარაგრაფებში მოცემული ინფორმაცია აპლიკანტებს დაეხმარებათ საგრანტო განაცხადის მომზადებაში. თუმცა მათ ასევე უნდა გაითვალისწინონ, რომ ინფორმაცია არის მოკლე შინაარსის და არა ამომწურავი. მეტი ინფორმაციისთვის, გთხოვთ იხილოთ სრული დოკუმენტი.

მისაღებ ხარჯებად ჩაითვლება ის ხარჯი, რომელიც საჭიროა გრანტის ადმინისტრირებისთვის, განხორციელებისთვის, მონიტორინგისა და შეფასებისთვის ან ზედამხედველობისთვის და არ არის განსაზღვრული როგორც „მიუღებელი“. პროექტისთვის გამოყენებული ნებისმიერი შემოსავალი ან კრედიტი (ფასდაკლებები, ასანაზღაურებელი თანხები, გარე ქირა და ა.შ.) განხილული უნდა იყოს ჯამური მისაღები ხარჯების ქვეშ, ეს უნდა იყოს:

- განაწილებადი, რაც იმას ნიშნავს, რომ ხარჯები საგრანტო პროექტთან დაკავშირებულ საქმიანობებზე უნდა იყოს გაწეული;
- გონივრული, რაც იმას ნიშნავს, რომ ხარჯები ზოგადად აღიარებული უნდა იყოს, როგორც აუცილებელი საგრანტო პროექტის შესრულებისთვის და შესაბამისობაში უნდა იყოს ზოგადად მისაღებ ბიზნესის პრინციპებთან და შრომით საქმიანობებთან, კანონებთან და რეგულაციებთან და საგრანტო პროგრამის პირობებთან;
- ბუღალტრულად დოკუმენტირებული, რაც სრულ შესაბამისობაში უნდა იყოს მისაღებ საერთაშორისო ბუღალტრულ პრაქტიკასთან ან საქართველოს კანონებთან ადეკვატური საბუღალტრო აღრიცხვების, გრანტისთვის დახარჯული თანხების დაშლილი სახით წარმოდგენის დემონსტრირებით. საბუღალტრო სისტემა მისაღებად ჩაითვლება თუ ის ადეკვატურია, გამოსაყენებელია თანხების აკუმულირებისთვის და გააჩნია ხარჯების ასახვის მექანიზმები;
- დოკუმენტირებული;
- არ არის სხვა რომელიმე განსხვავებული პირობით წარმოდგენილი, როგორც მიუღებელი ხარჯი;

- ხარჯები წარმოქმნილი საგრანტო პროგრამის შესრულების დროს.

საგრანტო კონტრაქტზე შეთანხმების შედეგად, MCA-საქართველოსთვის მისაღები უნდა იყოს შემოთავაზებული ხარჯების ადეკვატურობა და გონივრულობა (რეალისტურობა). ამ მხრივ ხარჯების ანალიზი უპირველესი საშუალებაა ამ მიზნის განხორციელებისთვის.

გთხოვთ, გაითვალისწინოთ შემდეგი შეზღუდვები თუ რა შეიძლება ჩაითვალოს მისაღებ ხარჯებად:

- სატელეფონი მომსახურებაზე გაწეული ხარჯები (მობილური თუ საქალაქო), ადგილობრივ და საერთაშორისო ზარებზე წარმოქმნილი ხარჯები, ინტერნეტის, ტელეგრაფის, საფოსტო და კურიერის მომსახურებაზე გაწეული ხარჯები ჩაითვლება მისაღებ ხარჯებად;
- თანამშრომლებისთვის გადახდილი ანაზღაურება და ბენეფიტები (მათ შორის ხარჯები) შესაბამისობაში უნდა მოვიდეს კომპენსაციების დონესთან, არსებულ კანონებთან და რეგულაციებთან. MCC -ს დაფინანსება შეიძლება გამოყენებული იყოს იმ შემთხვევაში თუ მოხდება დამატებითი კადრების ან არსებული კადრების დამატებით დროში გაწეული სამუშაოების (საჭირო პროექტის შესრულებისათვის) კომპენსაცია;
- სამოგზაურო და სამივლინებო ხარჯები (საკვები და გაუთვალისწინებელი ხარჯები) მისაღებად ჩაითვლება თუ ისი MCC -ის მიერ დამტკიცებული წესებითა და წერილობითი სტანდარტების მიხედვით არის გაწეული;
- კონსულტანტის მომსახურებაზე გაწეული ნებისმიერი ხარჯი გონივრული უნდა იყოს და შეესაბამებოდეს საქართველოში არსებულ საჯარო კონტრაქტებით განსაზღვრულ შესყიდვების წესებს. შესაბამისი მტკიცებულების გარეშე წარმოდგენილი წინასწარი გადახდა მიუღებლად ჩაითვლება;
- საგრანტო პროგრამის საქმიანობებთან დაკავშირებული ტრენინგის ხარჯები მისაღებია, თუკი ასეთი ხარჯი შეესაბამება საქართველოს კანონების მიერ აღიარებულ შესყიდვების წესებს. ეს მოიცავს ტრანსპორტირების ხარჯებს, ცხოვრებისა და სამივლინებო ხარჯებს მიმდინარე ხარჯის საფუძველზე ან პერდიემის სახით ან გავლილი მიღების/კილომეტრების საფუძველზე ან მთლიანი ვიზიტის და მიღწეული შედეგების საფუძველზე და თუ ეს ხარჯი არ აჭარბებს ისეთ ხარჯს რაც MCC-ის პოლიტიკის მიხედვით შეიძლება ანაზღაურდეს;
- გარეშე ორგანიზაციებზე გაწეული შენატანები და შემოწირულობა დაუშვებელია, თუკი ეს ნათლად არ არის საგრანტო ხელშეკრულებაში შეტანილი და ნებადართული;
- გასართობი საქმიანობისთვის გაწეული ხარჯები მიუღებელია;
- ჯარიმების და საურავების გადახდა, გამოწვეული შესაბამისი კანონებისა და რეგულაციების დარღვევით, მიუღებელი ხარჯია;
- MCC -ის მითითებებით ყველა ხარჯი უნდა იყოს პირდაპირი ხარჯი, ვიდრე კომბინაცია პირდაპირი და არაპირდაპირი ხარჯებისა (ზედნაღები და/ან ზოგადი და ადმინისტრაციული ხარჯები);

- დაზღვევის ხარჯები, გაწეული საგრანტო პროგრამის საჭიროებებისთვის, მისაღები ხარჯია;
- საგრანტო თანხით სესხის პროცენტის გადახდა მიუღებელი ხარჯია;
- ლობირების ხარჯები, მაგალითად კანონმდებლობაზე ზეგავლენის მოხდენა ან მისი მოდიფიკაცია ან გადაწყვეტილებაზე ზეგავლენის მოხდენა, მიუღებელი ხარჯებია. თუმცა კანონმდებლობისთვის ტექნიკური ხასიათის ან საგრანტო პროექტთან დაკავშირებული პრეზენტაციის მოწყობა მისაღები ხარჯია;
- საზოგადოებასთან ურთიერთობის ხარჯები შეიძლება მისაღებ ხარჯებად ჩაითვალოს, თუ იგი წარმოიქმნება საგრანტო პროგრამით გათვალისწინებულ ღონისძიების შედეგად. აღნიშნული საზოგადოებასთან ურთიერთობის ხარჯები უნდა შემოიფარგლებოდეს საზოგადოების ინფორმირებით საგრანტო პროგრამასთან დაკავშირებულ საკითხებზე;
- პროგრამის რეკლამირებაზე გაწეული ხარჯები მისაღები ხარჯებია, მაგრამ თუ რეკლამირება სხვა მიზნებისთვის შესრულდა მაშინ ასეთი ხარჯები მიუღებელი იქნება;
- გამოქვეყნების და პუბლიკაციის ხარჯები რაც მოიცავს ბეჭდვაზე, დისტრიბუციაზე, პოპულარიზაციაზე და საფოსტო გზავნილებზე გაწეულ ხარჯებს, მისაღები ხარჯებია;
- ინფრასტრუქტურაზე და ხელსაწყო-დანადგარებზე გაწეული ხარჯები მიუღებელი ხარჯებია მცირე საგრანტო პროგრამის წესებიდან გამომდინარე. მასალების ღირებულების ხარჯი მისაღებად ჩაითვლება, თუკი ის ძალიან აუცილებელია საგრანტო პროექტის შესრულებისთვის;
- შეხვედრებისა და კონფერენციების ხარჯები, რაც ხელს უწყობს საგრანტო პროექტის განხორციელებას, მისაღები ხარჯებია, მათ შორის კვების, ტრანსპორტირების, დარბაზის დაქირავების, გამომსვლელის ანაზღაურების (გარდა იმ პირებისა, ვინც მთავრობის ან სამთავრობო სტრუქტურების სახელით ისაუბრებს) და სხვა გაუთვალისწინებელი ხარჯები, რაც დაკავშირებულია მსგავსი ღონისძიებების ჩატარებასთან. საგრანტო თემებთან დაკავშირებით პროფესიულ შეხვედრებზე და კონფერენციებზე დასასწრებად გაღებული ხარჯები, მისაღებ ხარჯებად ჩაითვლება;
- ოფისის იჯარის ან ყიდვის ხარჯები მიუღებელი ხარჯებია;
- საგრანტო განაცხადის მომზადებისას გაწეული ხარჯები მიუღებელი ხარჯებია;
- გადასახადების გადახდა საგრანტო თანხებიდან მიუღებელი ხარჯებია;
- აუდიტის მომსახურების ხარჯი, რომელიც გრანტის მოთხოვნების მიხედვით შესრულდება (მათ შორის ფინანსური აუდიტი, ტექნიკური აუდიტი და შეფასება), მისაღები ხარჯებია.

აღნიშნული სია ამომწურავი არ არის და მოიცავს მხოლოდ ხარჯების იმ კატეგორიას, რომლებიც მოსალოდნელი შეიძლება იყოს მცირე საგრანტო პროგრამასთან დაკავშირებით. სრული დეტალები უნდა იხილოთ ათასწლეულის გამოწვევის კორპორაციის დოკუმენტში, რომელიც ზემოთ არის ნახსენები.